

明詩紀事

已籤

孫應鰲 十二首

應鰲字山甫清平人嘉靖癸丑進士選庶吉士改戶

科給事中出為江西僉事歷陝西副使四川參政隆


慶初擢僉都御史巡撫鄖陽罷歸萬歷初起故官入

為大理卿進戶部侍郎改禮部掌國子監事以病歸

起刑部侍郎進南工部尚書贈太子太保謚文恭有

學孔精舍彙稿十六卷

任瀚忠齋逸稿山甫詩如七十二君封泰山望見滄
海有無中蜃氣樓閣盤薄煙屏景光萬狀脩然起僊



貴陽陳田輯

靈霞外之思

已全卷十一

黔詩紀畧先生五言沈雄森秀直逼魏晉七言近體
舒和蒼潤品亦在初盛唐間
田按黔人講學自陽明謫龍場始闢端緒先生後
陽明數十年弟子九試儒士見知於督學貴溪徐樾
為陽明再傳弟子先生夢陽明續懷詩云平居學道
心晚路孰期許年往無聞歸來宅幽隙先覺遺良
模神交條相與纏綿心曲事懇款夢中語精爽皆
可言意氣同居處徒增後悲拊循轉楚嚮往之
可謂篤學先生著書有教秦緒言一卷教楚嚮往之
卷淮海易談四卷義要刪十二卷左粹題評十五卷
幽心瑤草一卷莊義要刪十二卷左粹題評十五卷
六卷策稿中五古超曠之致大類薛文清七律亦軒
軒俊爽竹垞詩綜僅錄華山一絕蓋未見全集也

太玄亭詠懷

高士有洞觀亦貴居要妙別墅茲澄鮮神情啟臨眺青邱帶
暘暉翠煙上蘿蔦往古不可興遺言窺末照覽書意有合悠
然發長嘯賞理林壑間自信匪凡調

坐對南山

南山鬱崔嵬蒼翠日引領城府紆僻地衡門厥幽境高棲十
畝閒自覺百慮屏石牀春正温松籟夜逾靜超然悟至理天
光發真境

連得鄒穎泉書

我家金華墟雲山接楚甸重君千里情書札屢軫眷人生深
相知豈必見顏面款曲書中意耿耿迴英盼勉我修令德期
我展嫵變空齋望所思良會未有便不教蕙草殘香風時宛
轉

顧會塘聞過草堂

異患得遣釋處約良自安便嬛三徑中不知春色殘時有野

客來披裘岸鷓冠握手忘揖讓談笑投交歡山空卉木深天
遠雲水寬徘徊物外心傾倒誠非難幽棲保微尚因之歌考
槃

同蔣楊二丈沿二水交流處坐嘯

溪流抱荒城縈波鎖崇巘半壑相延緣孰謂川途遠隔巖水
氣涼盤石煙姿煖清澗涵空明臨軒坐忘返瞻茲魚鳥情行
雲自舒卷高嘯投素心野曠白日晚

疑塚

疑塚七十二曹公慮已極王業已難存枯骨豈能必高原下
牛羊日暮生寒色

訪五山勝壽禪林

空城存古寺寂寞已無僧獨有橫經客時分供佛燈淡雲盤
老桂寒日隱荒藤斟酌談時事相看百感增

宿李伯貞百鍊莊

野屋全依石幽局半掩山出郊期信宿對客破心顏高樹夕
煙外亂禽秋渚間自然清晏足城市不思還

棲賢橋

雨霞變幻少定色掃石共坐巖溪頭鐵船紫霄峰獨秀金井
玉淵山更幽巾裘隨意郭文舉獵釣無心翟祖休采采仙源
有靈藥得之還贈同心傳

重經華陰

太華少華何絕奇我昔登覽借前期朝發山陽夕陟巘北飲

飛泉南採芝紫雲暫憇不滿意玄圃重遊空繫思明日出關
彌遠路私微所傷當語誰

題培竹李公仰泉書院

喬木森森卉草芳中丞別業午橋莊樓臺盡覽山川秀綸緜
高懸日月光萬竹曉寒開翠幄一泉春暖浸銀塘異時強爲
蒼生起猿鶴翻憐秋夜長

題口南精舍

瀟灑郊坳向秀園水雲千頃映柴門披襟獨鼓南薰調愛客
時開北海尊煙浦疏風間鶴侶石苔新雨長龍孫種桃他日
塵寰隔雞犬林深自一村

張四維一首

四維字子維蒲州人嘉靖癸丑進士改庶吉士授編
修歷中允諭德超擢翰林學士拜吏部侍郎充東宮
侍班官掌詹事擢禮部尚書兼東閣大學士入贊機
務拜太子太保進文淵閣大學士進少保武英殿大
學士加柱國少傅兼太子太傅進少師兼太子太師
改吏部進中極殿大學士贈太師諡文毅有條麓堂
集三十四卷

國史唯疑張文毅於江陵歿後不乏反正功論者顧
苛繩其曩日遜事江陵狀然則華亭之於分宜非歟
張當國未久以憂去甫釋服驟卒不竟所施使吳門
得徐收之爲名士君子志大有爲於天下亦自有幸
有不幸
田按文毅王鑑川甥鑑川款議淹答封貢朝右持不
決文毅與鑑川書封貢事者二十三札今具在集中
爲交關於新鄭款議遂成萬歷一朝宰輔攘外安內

首推江陵如文毅通知邊務亦豈易得

長陵

文皇本意清龍朔陵墓依然控紫荆雲繞金墉新寢廟霜寒
石壘舊屯營銀鳧夜沒三泉影鐵馬秋歸萬木聲明月滿山
宮漏靜斗間猶有劍光橫

塞上曲

紀癸亥秋宣大事

胡馬秋肥塞草長彎弧直擬犯漁陽歸途卻避弓聞水知是
嫖姚舊戰場

姜寶二首

寶字廷善丹陽人嘉靖癸丑進士選庶吉士授編修
出爲四川僉事歷河南參議福建副使南太常少卿

就遷國子祭酒擢刑部侍郎改吏部進禮部尙書加
太子少師有鳳阿集三十六卷

送陳君務齋歸越中

古人重分袂一日如三秋後晤無前期使我饑欲覘去影已
泛泛居情尙悠悠昔以花時至花落君不留明年花發時還
應思舊遊

吳山行

綠陰愛欲留青山行不住回首聽泉聲忽焉得佳句

劉堯誨一首

堯誨字君納臨武人嘉靖癸丑進士除新喻知縣徵
授南刑科給事中以事罷歸起上海縣丞屢遷右僉

都御史巡撫福建進右副都御史以兵部侍郎總制
兩廣拜南戶部尙書改兵部有留垣吟稿虛籟集

遊武夷

三十六峯明月多美人隔水奏雲和相逢卽是人間路翠黛
芙蓉奈爾何

羅汝芳一首

汝芳字惟德南城人嘉靖癸丑進士除太湖知縣徵
授刑部主事歷郎中出爲甯國知府改東昌歷雲南
副使進參政有近溪子集十四卷

遊紫霄觀步同年李詵菴韻

紫霄深處九回溪溪上巖巒北斗齊龍隱碧潭花氣合鶴巢

蒼樹野煙迷春光愛客晴偏媚山鳥窺人煖自嘯路迴不妨
乘夜入石床雲滿足幽棲

胡汝嘉 五首

汝嘉字懋禮南京鷹揚衛人嘉靖癸丑進士選庶吉
士授編修出爲山西參議有荷園集沁南稿

金陵瑣事胡秋宇書得意之筆酷似枝指生山水脫
去塵俗但所畫者不多耳
澹園集胡懋禮書爲金陵名品行草出二王父子隸
書規模元常大令古雅中
朱睦㮮波上集余往
整魯南婉而麗伯時
雅元舉清而瞻沁南先生則兼總羣材命令當世誠
清廟之韶護詞林之冠冕
顧起元客座贅語胡秋宇先生在翰林日以言忤政
府出爲藩參先生文雅風流不操常律所著小說數
種多奇豔其紅線雜劇大勝梁辰魚
烏衣佳話胡懋禮佳句過黃華山云林鴉翻暝色岩

樹駐秋雲嘯臺云澹雲千里色落日半巖陰
田按秋字能書能畫能詞曲詩亦格律道上詩綜不
錄一字余亟補之秋字又富收藏書畫幾與黃美之
均在其家
均在其家

邵原里在濟源西有大棠樹云是邵伯所憇者按邵公

分陝當在西而西伯時巡行亦未必至此據志當是

畿內采地耳

驅車濟源西稅駕邵原里聞昔分陝公會此駐高軌棠樹有
遺愛居者尙能指豈謂棠久存人心有如此古人重旬宣利
病得所理況當場澤時王室正如燬二南肇西周大統自茲
起蔽芾有遺歌萬古勤仰止

齋居漫興

千里晴光野望同浮雲消盡太行東清時吏隱依河曲故國
書來問桂叢山鳥下階衙鼓寂松陰覆地訟庭空一官寥落
無裨補稍喜閭閻有素風

盤谷道中

碧樹亭亭不作林平疇秀色雨餘深野雲過溪結高蓋山溜
遶田鳴素琴千楓歷亂駐晚照萬壑慘澹生秋陰計日授衣
寒節至誰家村巷聲葦砧

子夜歌

蠨蛸網朱戶露葉藏暗榮與君幾時別忽地秋風生

汝府故宮

璇題畫棟鎖層城十載緱山罷鳳笙惟有舊時花鳥在錦香

猶護管絃聲

吳時來 一首

時來字惟修仙居人嘉靖癸丑進士除松江推官徵授刑科給事中以劾嚴嵩下詔獄謫戍橫州隆慶初詔復故官改工科擢順天府丞以南右僉都御史提督操江改巡撫廣東以事貶雲南副使旋落職閒住萬曆中起湖廣副使擢左通政進吏部侍郎拜左都御史贈太子太保諡忠恪尋被論奪諡有悟齋集十

五卷

烏石山房

滯雨減遊蹤乍霽快清曠綠楊蕩微煙碧水欣初漾緣澗芳

不歇依牆苔猶上林端見遠山四面圍青嶂願言結吾廬微生託此養

龐尙鵬 一首

尙鵬字少南南海人嘉靖癸丑進士除樂平知縣徵授御史歷大理寺丞以右僉都御史分理九邊屯鹽尋命兼領屯務以事斥為民萬曆初起故官巡撫福建拜左副都御史以忤張居正罷官天啟中追諡惠敏有百可亭摘橐九卷

答友人話舊

西北風塵地那堪夜次寥與誰籌國事何日破天驕塞馬甯論失江鱸早見招薄軀猶善飯撫髀未全消

蔣焯 一首

焯字子厚全州人嘉靖癸丑進士改庶吉士授御史

汪森粵西文載子厚方入臺遣監刑見楊員外繼盛獄具將刑具奏曰繼盛越職妄言自取重辟其妻哀懇願以身代夫囚婦何知一死非易繼盛既不能將順聖明又何能儀型寡妻此必有激而然也繼盛就刑妻必并命恐傷陛下好生之仁合匹婦立義千古願陛下將繼盛誓緩其死勿令下車泣罪惟禹以一女子上書貸父惟漢文則萬世後頌陛下之仁超軼二帝矣奏上不報繼盛死於市子厚移病歸卒

寓穎憶醉翁瑯琊次韻

古寺清亭想勝遊昔賢應為此淹留
天花夜落空壇靜石壁雲生小洞幽
出定僧歸芳草徑酣歌客倚夕陽樓
紫薇泉遠人何處明月溪深水自流

侯祁 一首

祁字應文鄆城人嘉靖癸丑進士歷官岳州知府

秋夜

風葉走空庭疑是夜來雨
懷人正未眠更聽寒蛩語

曹梅 一首

梅字子和鹽山人嘉靖癸丑進士官郎中

自華陰移官淮上

萍蹤隨浪轉衰鬢逐愁新
孤遠三年謫風霜一僕親
華山方繫夢渭水舊知津
白笑馮唐拙誰憐易老身

劉侃 二首

侃字正言京山人嘉靖癸丑進士授戶部主事歷郎中出為成都知府累官福建布政使有新陽館集

春暮

風吹山雨度簾櫳
指點茶藤半已空
二十四番花信過
獨留芳草送殘紅

過水下口

山樹參差石徑斜
朝來飛雨灑桑麻
山翁放罷村前犢
倚杖溪頭看稻花

曹大章 三首

大章字一呈金壇人嘉靖癸丑第二人及第授編修
有含齋集十六卷

田按含齋文頗馳驟授館職後分宜相值西苑醮壇
瑞牒應時而作鹿表芝頌倚以為辨後與分宜子世
蕃往還過洽時有齟齬勒致仕時年方四十無以耗
壯心良辰令節輒建戲車樹修旃陳倡優聚俵僅為

角觚曼延之戲王肯堂序含齋集稱其性躁動每為
文必於語笑伎樂喧闐之時落筆如飛故不暇檢拾
而豪詞麗語亦復可喜

送楊安峯還楚

憐君新墨綬忽起故園情
拂袖辭江縣懸帆入郢城
青山行處待綠柳望中迎
此日河橋別暮雲天際橫

贈吳夢義歸歛

十里平湖月夜橋
秋風聲動大江潮
故人止在黃山畔
海鶴長天不可招

贈美人兼呈曹北海

昔時結客少年場
浪向瑤臺覓鳳凰
今日逢君看舞袖
風流不減舊時狂

陳珊一首

珊字鳴仲一字近衡銅仁人嘉靖癸丑進士授行人

出為襄城知縣遷宛州同知

黜詩紀畧近衡以忤嚴嵩官齟齬不達嘗銘其座右曰士大夫能以居鄉之心居官天下必無冤民能以居官之心居鄉天不必無請託人以為名言近衡之謫官也在真定題詩有憂時煩恨成名晚之句孫淮海先生見而傷之賦詩云願誦河舟賦憐君憂世心成名良以晚興謗一何深威鳳推長翮賓鴻滯好音冷田言笑在懷想淚沾襟

入蜀次杜老秋興韻

少陵當日灑西頭襟抱惟將託素秋靈武幸聞龍馭起漁陽誰引羯胡愁恥從濁世歌衰鳳故傍清江數狎鷗落莫昔賢棲息地徒令千載詠夔州

鄭茂一首

茂字士元莆田人嘉靖癸丑進士除海鹽知縣擢兵科給事中歷官河南按察使有咫園詩集

弔屈原

洞庭南望夕陽多杜若陰陰覆汨羅去國丹心懸日月懷沙遺恨泣龍蠶故宮搖落餘三戶詞客淒涼自九歌投閣子雲空著賦反騷當日意如何

王詠一首

詠字口口嘉定州人嘉靖癸丑進士官江西參議

西坡寺

為愛西坡寺閒行損綠苔浮雲如客懶盡日傍高臺

何東序 一首

東序字崇教猗氏人嘉靖癸丑進士授戶部主事歷員外郎中出為衢州知府遷山東副使以右僉都御史巡撫延綏進右副都御史有九愚山房集九十七卷

少林寺

住世還遺世觀空不是空影堂千古月響塔萬山鐘

方萬有 一首

萬有字如初莆田人嘉靖癸丑進士選庶吉士改工科給事中有頤菴藏稿

留別楊郡伯

兵甲滿天地客行安所如登高覽八荒忽焉獨躊躇欲濟河無梁涉遠塗無車回首盼鄉國門巷莽邱墟十室九無人荒田孰與鋤卒歲道途間中情鬱以紆夢魂招不定夜夜反舊

廬

王可大 一首

可大字元簡吳江人南京錦衣衛籍嘉靖癸丑進士授刑部主事歷員外郎中出為台州知府以事罷歸起興國州判歷黃州通判承天同知徵授南戶部郎

中未赴除瓊州知府有三山策稿續稿白雲稿

願起元嬾真草堂集少治公書法規撫徐九峯金山農晚又出入鮮于伯幾自謂能得其意金陵瑣事王太守元簡佳句壽州渡河云沙淨空山雨風香野岸花

捉搦歌

冽冽西風野草黃征衣無絮妾無裳海頭紅日朝朝出不照
深閨瓦上霜

秦禾 二首

禾字子實無錫人嘉靖癸丑進士除武康知縣徵授
戶部主事歷員外郎申出為金華知府改永昌

田按子實令武康時得宋本孟東野集鏤板傳之頗稱好事小詩亦有別趣

暮春漫興 二首

風光滿眼不一醉籬邊小桃應笑人百年幾何如逝水莫負
城南三月春

莫笑幽齋絕低小紙窗虛明塵事無階前春雨草漸長便有

小禽來哺雛

鄧元錫 三首

元錫字汝極南城人嘉靖乙卯舉人徵授翰林院待

詔有潛學稿十九卷

田按汝極講學關佛甚嚴異於姚江之末派詩亦不入擊壤窠臼

雜感

幼安客遼東冰雪澡其腸匡坐一木榻耿介懷虞唐龍不見
成德鳳覽輝而翔阜帽高切雲峩峩繫予望

贈陸永還海甯

陸公起家本宿儒胸藏幾卷槃孟書賦詩煙雲走碧落著論
勢力排立虛榻來偶作哦松吏五載黎江那自意簿書堆案

秋色高探奇且拂凌雲袂未論撫字拙催科造請公門厭苦
多城關早報承趨謁卓午回車徑不過自知骨相合癡蹇卽
使踉蹌甯得免大官束吏如濕薪誰哉經術談深淺德清許
公守郡時萊蕪史雲猶見知只今公去木葉脫西風獵獵吹
人衣曳裾王門亦不惡錢塘風土殊自樂八月胥江湖正高
海門夜半銀潢落泛湖船美湖淪漪筆床茶竈行相依招邀
爾祖天隨子去采金莖九疊芝

出廬山

自抱朱絃古知音悵獨難高秋忽搖落歸夢滿關山白髮不
盈握丹梯能再攀寒泉將白石相送共潏潏

明詩紀事

貴陽陳 田輯

已籤

吳文華 一首

文華字子彬連江人嘉靖丙辰進士除南兵部主事
歷員外郎中出爲湖廣副使改廣西歷四川參政河
南布政使以右副都御史巡撫廣西遷戶部侍郎請
終養歸起兵部侍郎仍撫廣西遷總督兩廣軍務進
右都御史召拜南工部尙書就改兵部引疾歸起南
工部尙書不赴贈太子少保諡襄惠有濟美堂集四

卷

遊天界寺投半峯斌上人

經年淹畫省初識遠公名竹日搖壇席蘿雲覆石屏詩情歸
正始法性證無生惆悵山門去依然塵慮營

汴中書懷

薔薇花發燕雙飛簾捲斜曛案牘稀推卻素琴成小憩東風
吹夢到漁磯

胡直二首

直字正甫泰和人嘉靖丙辰進士除刑部主事歷郎
中出爲湖廣僉事遷四川參議以病歸起湖廣副使

遷廣西參政有衡廬精舍藏彙三十卷續稿十一卷

四庫總目直家泰和東距衡山不千里北距廬山亦不
千里故取二山之名其書室因以名集直初從歐

陽德遊又從羅洪先遊其學一以姚江爲宗明儒學
案稱其少駘宕好攻古文詞年二十六精講學故其
文章頗雅健有格
孫應鰲學孔精舍彙稿正甫胸次洞然有物我同體
之懷故其詩暢而鬱直而婉天趣獨深非追琢可及

得侯介潭消息

消息西來未忍聞若爲多難復離羣投荒自分先朝露歎逝
那知對隴雲隔歲行塵猶避馬早春芳草已孤墳生還儻過
山陽道長笛何堪聽夜分

二月一日曉渡秦和江

綠楊接葉杏交花嫩水新生尙露沙過了春江好回首汀洲
一帶有人家

西昌沈氏有山谷書杜陵山水圖障歌作江山堂堂廢

其後人以黃書求題感賦

杜老已亡黃九去長歌大字落江山百年風物今何似春水
晚煙飛白鷗

鄭洛一首

洛字禹秀安肅人嘉靖丙辰進士除登州推官徵授
廣東道御史出爲四川參議歷山西參政浙江布政
使以右僉都御史巡撫山西改大同進右副都御史
入爲兵部侍郎出總督宣大山西軍務進兵部尙書
加太子少保進太子太保入理戎政詔兼右都御史
經畧陝西延甯甘肅宣大山西邊務加少保贈太保
諡襄敏

秋暮期甕直軒過陽和卻寄

楓葉離離霜滿枝懷人恰是雁南時尊中我有平原酒客裏
誰憐塞北思

姚汝循五首

汝循初名理以字行改字敘卿永康人南京錦衣衛
籍嘉靖丙辰進士除柘縣知縣徵授南刑部主事歷
員外郎中出爲大名知府以事罷歸起桂陽州同遷
嘉定知州有屏居集八卷浪遊集六卷耕餘集八卷

烏衣佳話姚太守敘卿佳句雨閣凝香暇春山露冕
餘煙暝前村樹風傳何處鐘纖月墮池樹涼颿來石
林春原並馬花交路秋寺連床月滿林
列朝詩集敘卿詩如酒邊過白鳥鏡裏出青山聞花
苔上落清磬雨中沈離愁隨草長別淚迸鶯囀宿雨
青郊潤和風白袷輕朝起輕風生遠浦夜涼明月滿

扁舟觀其風流吐納居然名士
靜志居詩話敘卿詩格不高然五古遠做陶韋近體能宗大歷此益藩漢南道人入之李何諸公之列目為盛朝十二家也
田按敘卿輯金陵風雅四十卷見焦竑經籍志惜此書不傳

與孫俞二山人金大令忠覺義小集雪浪禪房

言訪招提境因過祇樹林閒花苔上落疏磬雨中沈妙供分香積清歌寫梵音回看城郭者役役果何心

秋日登白鶴樓小集

江天新雨後仙閣白雲間偶爾一樽共蕭然萬慮刪長風送虛籟落葉滿秋山欲問前朝事江流去不還

晚泊荻港

扁舟臨荻港落日下高春煙暝前村樹風傳何處鐘途窮悲

作客宦拙羨為農負弩遙相逐而今豈再逢

潯陽夜月

夜泊潯陽月滿船蕭蕭蘆荻冷秋煙孤臣此日青衫淚不待琵琶已恹然

舟泊松溪聞簫

倚棹松溪落日斜故山悵望隔天涯紫簫吹出江南弄那得行人不憶家

張潛一首

潛字用昭華州人嘉靖丙辰進士除戶部主事遷員外改禮部遷郎中出為廣平知府遷山東參政有東谷集

玉泉山

山椒臺殿與山齊
蘿逕透迤獨杖藜
自擣松花供濁酒
旋分柿葉寫新題
虹收急雨方回澗
風逐癡雲半渡溪
閒步空階春事晚
飛飛雙燕已銜泥

劉鼐一首

鼐字朝重鄱人嘉靖丙辰進士除南兵部主事歷員外郎中出爲廣東僉事進副使以病歸起廣西副使改廣東進參政擢南太僕少卿有山房漫稿仁山集十二卷

能仁寺酬九峯過訪

禪床遙想祇林幽
散髮高眠得自由
豈謂故人成遠夢
依然

天際見歸舟
百年萍梗驚難定
一徑松蘿喜暫留
分手莫辭雲樹杳
春山無伴更相求

黎民衷一首

民衷字惟和從化人民表弟嘉靖丙辰進士除吏部主事歷員外郎中出爲廣西參政有司封集

太平寺

釋子離人羣
高居遠俗氛
開門山色近
汲澗水源分
禪榻常棲月
僧衣半裊雲
萬緣俱寂後
鐘磬夜深聞

林潤一首

潤字若雨莆田人嘉靖丙辰進士除臨川知縣徵授南山東道御史以糾捕嚴世蕃就擢通政司參議歷

太常少卿以右僉都御史巡撫應天

蘭陔詩話嚴世蕃羅文龍遣戍已復亡之家若雨馳至九江捕之王元美袁江流樂府所云御史乘飛置捕司空至京是也今傳奇猶演之

秋興

愁思悠悠客裏情可堪落葉動秋聲月高蘭渚歸旌遠風度
蘋洲去棹輕烽火有時傳北塞甲兵何日靜山城萬方多難
奔馳苦夜雨寒窗夢不成

陳聯芳 一首

聯芳字以成閩人嘉靖癸丑進士累官光祿卿

荷亭餞送長樂張主簿之京

去去勞王事其如戀別何扁舟吳渚渡匹馬宛陵過雁斷秋

風急蟬驚落葉多西亭一尊酒相對聽驪歌

鄭雲璠 一首

雲璠字邦用閩人嘉靖癸丑進士授戶部主事歷員

外郎中出為副使累遷河南布政使

田按癸丑題名碑錄無邦用名余檢林廉福州志徐通晉安風雅均云邦用嘉靖癸丑進士當係題名碑偶遺耳

送劉計部守成都

地稱分鼎舊恩為剖符行雲雨過巫峽煙花向錦城握蘭違
漢署折柳戀王程弔古詢遺俗文翁有令名

盧仲佃 一首

仲佃字汝田東陽人嘉靖丙辰進士除晉江知縣改

福安徵授刑部主事改兵部歷郎中出爲成都知府

累遷廣西布政使降廣東副使有何莫軒集

金華詩錄汝田詩如得句每於看竹後懷人定在明月時酒杯詩卷空湖海蘿月松風自管絃意境俱佳

舟行

囊有焦桐琴手拙不能理偶懷陶徵君白鷗忽飛起

侯廷柱 一首

廷柱字子任諸城人嘉靖丙辰進士歷戶科給事中

改刑科出爲南陽知府未赴以察典罷

遊常山

僻性耽山水況逢三月三清尊留古寺素髮照空潭雨歇嵐

光靜春深花氣酣莫嫌歸路晚別墅更停驂

奈翔 五首

翔字宗漢莆田人嘉靖戊午舉人官全椒知縣有薛

荔園集四卷

田按宗漢以四律投王元美未報後復自攜七絕句訪元美於弇園元美依韻和之有云十八娘紅生荔枝蟻房舌嫩比西施更教何處誇三絕爲有奈郎七字詩元美作四十字詩復及宗漢云陶令謝彭澤奈令辭全椒俱言以酒廢無乃爲折腰陶影不出山奈跡不入里當其愧俄時千載如一軌新詩亦自佳能諸世人耳元美自以高節許之宗漢詩自爲一派不必近七子也

舟中有懷社中諸子

悠悠溪中水瀟瀟溪上雨薄暮倚扁舟傍得誰與語鳥雀下

林悲啾啾求其侶豈無心所歡一別在何所逝水無還期青

春復幾許美人期不來望望空延竚

見二毛作

生事惟高枕蕭然已二毛山中歌扣角花下醉持螯身世窮
何礙風塵夢亦勞但教無俗物隨意讀離騷

懷仁甫

柴門生事微久息漢陰機流水煙初暝斜陽鳥乍歸酒澆愁
叔夜詩憶謝玄暉遙隔三山外江鴻何處飛


春園卽事


睡起西齋日欲斜溪邊汲水自烹茶捲簾坐看雙飛燕衝落
櫻桃幾片花

題山寺

幾度探春路不迷尋僧又過竹林西青山盡日無人到雙樹

陰中一鳥嘯





明詩紀事

貴陽陳田輯

已籤

張祥鸞十一首

祥鸞字道卿金壇人嘉靖己未進士除戶部主事歷員外郎中出為河東運司同知遷雲南知府有華陽

洞稿二十二卷

列朝詩集道卿與七子同時亦相往還其詩以清潤為主不染叫囂之習故不為時人所稱如云雁嘶江

寒月人枕成樓霜信警句也靜志居詩話道卿詩瀟灑絕俗頗類永嘉四靈田按華陽洞詩聲調俊爽七律亦與七子調相近茲

下邳

子房本俠士意氣橫秋旻志在翊亡韓養士輕黃金劍術豈
不偉惜非古所欽佐漢既龍躍報秦亦淵沈素願一以酬封
侯非夙心長揖謝圭組鳳凰翔不尋

春日偕吳崑麓沈劍南杜靜臺飲城東水亭

雲靜水容澹煙輕山翠微一尊逢落日孤興到漁磯碧草未
堪把青春強半歸忘機鷗鳥識故故傍人飛

丹陽道中夜泊

細雨丹陽郭新寒小雪天孤舟繫遙夜亂葉落疏煙一斗吳
姬醉三百水衡錢淹留問叢桂高詠小山篇

初夏曉起

曉起池塘新水平炊煙不動四鄰清放梢疏竹弱無奈挾子

幽禽馴不驚園甲半黃和露摘水田分綠帶雲耕長貧詎是
因官薄懶性從來不治生

徐州登戲馬臺

羣山迴合擁徐方望眼平臨鳥路長斷壁中開危磴立飛流
西下濁河黃風塵伯業偏安地戎馬中原古戰場最是楚宮
堪涕落荒臺無樹倚斜陽

寶應湖阻雨邵禎數年兄贈詩卽景賦答

繫纜共聽湖上雨逗帆同阻石尤風殘春楚水沙棠楫落日
淮山桂樹叢海內文章陳伯玉船窗書畫米南宮新詩勞贈
瓊瑤重欲報雙金愧未工

順德道中午憩

燕趙驅馳一駐車
悲歌懷古獨躊躇
處囊誤作平原客
去國慵題樂毅書
白苾迎風秋颯颯
青槐垂屋雨疏疏
問程南走邯鄲道
悵憶才人下嫁初

過邯鄲黃梁祠

客路南來又幾程
西風一十九長亭
亂山傍馬暗逾碧
芳草撩人秋更青
往蹟尋常行處在
畏途依約夢中經
邯鄲道左神仙去
試問盧生醒未醒

南中秋思

憶昔悲歌燕市中
鄉書猶得寄南鴻
年來更逐孤雲遠
歲晏曾無一字通
獨夜暗愁連蟋蟀
故園秋夢到梧桐
駐顏不信丹砂訣
句漏何須滯葛洪

初夏西庄

門外青溪接五湖
綠陰如水水如鋪
舍南舍北多漁市
村近村遙有酒壚
簷拂新梢移翠竹
窗分涼影轉青梧
十年一覺長安夢
歸訪煙波舊釣徒

買舟

曉窗百舌數聲嘶
雨歇春流綠滿隄
買得扁舟小如葉
憶梅撐過野橋西

曾同亭一首

同亭字于野吉水人嘉靖己未進士授刑部主事改禮部吏部歷員外郎中進太常少卿以事歸起大理少卿歷順天府尹以右副都御史巡撫貴州移疾歸

起南太常卿召爲大理卿遷工部侍郎進本部尙書
加太子少保以病歸起南吏部尙書加太子太保贈
少保諡恭端有泉湖山房稿

次登雪浪閣韻

閣上寒雲冉冉歸江頭木葉向人飛清風明月成孤賞負卻
山中蕨筍肥

沈節甫一首

節甫字以安烏程人嘉靖己未進士授禮部主事歷
員外郎中移疾歸起光祿寺丞累官至南刑部侍郎
召拜工部侍郎贈右都御史諡端靖有太樸集

別家後述懷

弭蓋俄驚春事更揚帆又過闔閭城自緣朱紱驅行役枉使
青山費送迎某水某邱耕釣侶一談一笑歲時情田家萬事
堪思憶金馬空傳避世名

錢鎮一首

鎮字守中烏程人嘉靖己未進士官兵部郎中有淡

菴集

山中雜興

當午炎氣蒸煩溽困不舒披經啟荆榛芳樹垂華滋羣鳥藉
麻蔭宴無畢弋虞水面微風至荷香與之俱心曠暑不侵況
茲值涼颺余心久無械鳥巢可俯窺異類尙爾馴何用多疑
爲

沈桐一首

桐字時秀歸安人嘉靖己未進士累官右副都御史
巡撫福建

送王東涯

陽明高弟子
心齋之子

身世駛隙駒斯道無終窮紛紛百年內奔馳空西東
卓哉山陰叟示我真參同奈何假道者竊弄迷其宗
靈明信天啟拂拭須人功毫釐或有違千載成冥蒙
念子賢者後至理早已融譬彼三世醫指授甯無從
金陵多少年矯矯猶羣龍接席尚未煖言別何匆匆
秋風吹白楊送子意萬重再來慎勿暮桃李候春紅

張鹵一首

鹵字召和儀封人嘉靖己未進士累官右副都御史
巡撫保定以忤張居正馮保左遷南太常卿有許東

沈啟原一首

秋日寄答謝茂秦

江天渺渺雁初飛桂子風前點客衣宦况那堪秋又晚
詩朋偏恨信全稀雨中上黨春聯句燈下陽城夜掩扉
舊事祇今常在眼登臨空憶謝玄暉

沈啟原一首

啟原字道升秀水人嘉靖己未進士累官陝西副使

有鷓鴣草巢雲館詩紀

登本覺寺追次蘇韻

支公駐錫此祇林
蘇剝殘碑尚可尋
三過音塵俱是幻
當年世故總成今
談經卻憶蓮花舌
卜隱長懷薜荔心
徒倚清暉忘去住
滿庭花雨正秋深

林澄源 一首

澄源字仲清莆田人嘉靖己未進士除戶部主事歷員外郎中出爲貴州參議歷參政擢四川布政使有悟往吟

贈徐山八

結束芒鞋踏紫霞
幔亭深處覓仙家
一聲長嘯雲飛去
三十六峯春自花

宿度 四首

度字元周掖人嘉靖己未進士累遷按察使以太僕卿致仕有淡然園集

王士祿傳音集太僕介靜有大節不附江陵時有十六君子之號性僻山水宦轍所至展齒殆遍爲詩清恬翛然塵表

四月始得解官賦此明志

少乏明哲資
逐波落塵網
悠悠四十年
一朝謝鞅掌
偃息舊園廬
草木何蕭爽
良晨策杖遊
泉石恣所賞
招我素心人
攜壺借草莽
義和不弭節
歲月忽已往
南榮有遺編
何爲多營想

宿塔院寺

探幽尋古剎
遙度碧山岑
雨過一溪響
雲歸千樹深
異香聞

佛院清磬出祇林暮宿招提境儵然象外心

正月吉祥寺餞劉梅沙憲長

楚客辭官去羣公祖梵林別絃驚漸急離思悵何深松栝藏
初地汾流帶夕陰嗟予亦倦鳥幾欲卸朝簪

嘯臺

幽人已千載寥廓百門空獨對山臺月誰聞鸞鳳音冰霜仙
字剝松柏古祠深落落重過日甯知歎賞心

公一揚一首

一場字 蒙陰人嘉靖己未進士官工部郎中有

閒吟集

卜築

卜築幽崖下松桂自成陰清流環茅屋好鳥鳴深林涼風颯
然來時送採樵音望望隔層巒願言寄遐心

陳省一首

省字孔震長樂人嘉靖己未進士

漢祀壇

漢武尋仙盡海濱乾魚曾祀武夷君至今人代更如許猶有
空壇鎖白雲

唐堯官九首

堯官字廷俊晉甯人嘉靖辛酉舉人有五龍山人集

田按廷俊樂府古詩可與王子衡輩抗行惜邊地無
人以張之也人知滇有張禺山亦識有五龍山人乎

東門行

出東門平岡透池望之悽以悲新塚鬱其嶢起借問死者何
人斯仗劍三年去一日與襯京都歸兄弟客死亦何苦冥冥
蒼天當怨誰爾身死莫恤寡妻閨中復何依管鮑不作古道
陵夷髻亂之交徒爾爲

西門行

步出西門行北風淒以寒道逢遠鄉氓涕泣坐長歎問之亦
何泣性命難苟延瘠土亡廣收征賦盡輸官去年加征力已
殫今年加征役更繁妻子已賣盡刑誅不少寬相彼嘯鳥深
林可安度枝隱葉毛羽亡殘哲辭遠方去饑寒生死任皇天
寄謝世間人耕田良獨難

梅花落

亭下芳梅樹春來色漸凋香隨風共遠花與雪俱飄不覺年
華改空悲道路遙相思徒自遣看罷倍蕭條

白紵辭

二首

春陽駘蕩白花妍黃鳥嚶鳴紫燕翩雕房繡闥綺疏連蘭肴
桂醕開瓊筵吳姬二八明粧鮮輕軀白紵隨風旋相攜挾瑟
彈朱絃願君極飲慶芳年

金風瑟瑟吹庭柯雙星燦爛明秋河人生百歲疾如梭爲君
酌酒揚清歌流紈曳縠舞陽阿凝嬌送笑懽情多不惜旣醉
朱顏醱酒盡鷄鳴奈樂何

烏棲曲

長檣大艫江煙薄歲歲揚州恣行樂月明橋上管絃新誰能

獨自度芳春

巫山高

巫山高不窮秀色野煙中驚濤搖翠巘驟雨暗丹楓夢覺襄
王幻臺悲神女空獨有猿聲切朝暮送征蓬

竹枝詞 之首

灩東春水灩西通江上紅樓暮靄中郎去郎來渾不定相思
日日望征蓬

郎在東吳妾在家錦堂終日弄琵琶茶糜舊是郎親種不見
郎歸只見花

明詩紀事

艾穆 九首

穆字和甫一字純卿岳州平江人嘉靖辛酉舉人除
阜城教諭入為國子助教擢刑部主事進員外以劾
張居正奪情被杖謫戍涼州居正死起戶部員外出
為四川僉事擢光祿少卿歷南鴻臚卿召拜太僕卿
以右僉都御史巡撫四川有終太山人集十卷

靜志居詩話艾公與吾鄉沈純甫先生同論江陵奪
情其適戍一西一南艾公出都詩云病向西風一促
裝寥寥征雁塞雲長流沙萬里無愁遠去國孤蹤信
若狂楚客江魚身可葬漢臣馬革骨猶香青山到處
皆吾土豈必湘南是故鄉是亦達人之言西竄之後
詩律多效空同自公而後南風多死聲矣
田按艾公以南鴻臚卿召拜太僕卿史云太僕少卿
非其實也公詩摹杜特挾奇氣蓋有偉抱者自無凡

已篋卷十三 補人

鄂縣馬明府拉遊漢陂空翠堂紀興

天涯風物獨相親一笑江頭對白蘋
爲有波光清入酒況兼山色澹宜人
地如澤畔應吟楚客是長沙解過秦
此日逢君花滿縣桃花不說武陵春

暑日飲後見白髮

身世飄然類轉蓬驚心素髮憶兒童
醉從赤日流天外吟遣青霜落鏡中
合併窮愁娛眼日豈緣衰颯怨春風
翩翩猶道潘郎少秋興年來亦自雄

登南五臺後次早復登東五臺蓋皆終南第一峯而東

臺尤險絕稱勝紀興

嵐光空色相繽紛白動天門曙欲分
路經碧澗失三伏人在瑤空低五雲
青山此日弔藜杖白晝元氣坐氤氳
卧來忽作遊僊夢看遍洞中赤霞文

蔡丈下第歸楚

柳花如雪亂河梁一曲驪歌向故鄉
楚璧可堪悲上國燕金猶自待中郎
關河曙色催程急夢澤春陰引興長
送爾爲揮遊子淚薊門煙雨似瀟湘

送孫山人歸楚

把袂青門落日愁太行山色滿城樓
孤村芳草三年色雙劍關河萬里秋
最是風塵能落魄且爲天地一豪遊
古來遷史多奇迹猶有浮湘事可求

舟中漫興

舟中偈仄不得往閑坐只吟數首詩開窗突放萬山入走筆
疑有三江隨渚花蕩漾帆色淨落月掩映湖天宜晴篇檢罷
問新月金波滾滾瀟湘湄

江月

大江倒月動我船湖天一色秋更妍樓臺萬點鏡中落魚龍
獨抱山光眠深杯寂寂酬暮景逸興飄飄凌紫煙風塵忽已
逾十載此夜江邊空自憐


登龍王堂


火雲策馬松峯巔松陰隨人淨娟娟笑從碧澗失三伏坐對
高僧空萬緣野蔬濁酒趁幽意殘棋半偈驚晝眠興來復向

翠微上醉眼十二樓中懸

穆鍊師不出觀者五年爲贈詩

丹竈煙霞盡日封只聞靈籟和疏鐘步虛人在華陽洞欲上
青天跨白龍





明詩紀事

貴陽陳田輯

已籤

申時行 八首

申時行字汝默長洲人嘉靖壬戌第一人及第授修撰
歷中允諭德左庶子擢禮部侍郎改吏部兼東閣大
學士入預機務進禮部尚書兼文淵閣大學士累進
少傅兼太子太傅吏部尚書建極殿大學士加少師
兼太子太師中極殿大學士贈太師諡文定有賜間

堂集四十卷

馮元成選集文定有韻之文對客立就不為叫噪亢
厲之音不為卑弱浮靡之調才高學富神清氣定故

已籤卷十四

一

不必摹調襲格刻染煙雲與墨卿藻士爭長毫穎而
自無不合
列胡詩集少師文藻婉麗實出同時殿閣之右
田按論相業於江陵後難乎爲繼文定當國其待言
官尚不如江陵之刻鄒爾瞻効罷徐學謨學謨文定
戚也以他事逐之已而物情稍稍擢爾瞻官世以
此稱長者文定後刻賜堂集有爾瞻序頗致衰
揚其同里給諫羅大紘見之怒甚勒令毀草謝過乃
已文定之歸以建儲事羅大紘疏謂陽附羣臣之議
以請立而陰緩其事以內交可謂洞見肺腑文定津
津置辯見於賜間堂集四十卷雜記中然世莫之諒
也文定詩格軒爽卽事三首猶見江湖魏闕之思

大峪行

大峪山頭氣鬱葱龍翔鳳舞來空中百二河山開福地萬年
天子作新宮新宮巖業雲霄裏福地氤氳煙霧起面面峯巒
削不成迴翔澗壑石齒齒壯麗當年說永陵規模今日更恢
弘因山作城城百雉累石爲臺臺九層立宮窈窕疏地脈紫

殿魏戕象天極迴看複道彩虹飛仰視明樓絳霄逼居然宮
闕寫蓬壺別是乾坤啟壽圖雲捧至尊紆萬乘從官恍惚聞
三呼三呼似起宸遊處是日天顏多悅豫應知喜色被山川
還見新恩覃雨露憶昨經營相宅時金貂玉珮先馳驅五度
鑾輿臨碧巘三回慈馭集瑤池兩宮親爲吾皇祝宜爾子孫
膺弗祿燕喜齊稱萬壽觴鴻庥已協三靈卜少年不習青鳥
書倉皇攘臂談堪輿一咤千人皆辟易重瞳四顧爲躊躇豈
知聖志符天意直以片言排異議十行一札降從天萬姓六
軍歡動地太陽始出重險開民庶欣欣共子來不辭頻年作
左校但願不日成靈臺畚鍤如雲汗如雨軀命易金金易土
君王嘖笑只須臾少府水衡空立堵由來興建重勞民吾皇

此意尤諄諄木車茅馬常思漢銀海金鳧深鑿秦方上只今將罷役露臺從此惜中人

賜問堂雜記初上幸天壽山展謁諸陵既踰年欲再往蒲州以為鑾輿數出無事慢遊不可為訓無已則請如世宗預卜壽陵故事庶駕出有名上從之乃命禮部選舉素諳地理者與欽天監官協同相擇乃推南京刑部尚書陳道基通政司參議梁子琦剛復自用事胡宥與監官張邦垣楊汝常借往子琦剛復自用與眾議不合乃獨獻吉地入處侯上臨閱地在斷崖深谷嶺崎偏仄中乘輿歷步危險上意不懌前報罷而定形龍天裕兩山命定國公文壁輔臣時行及司禮太監張宏率相擇官覆閱時道基宥已辭去獨子琦在禮部謂其好勝喜爭前所奏地皆報罷不列其名子琦怒遂疏論尚書徐學謨而語侵余上惡之勒令閒住及駕再閱定於大峪山勅工部擇日興工時御史李植江東之與子琦厚善欲因事啟囊乃與御史羊可立共疏言大峪非吉並劾監官張邦垣等欺罔而遍行金錢賂上所親信小暨當時號為十俊者數以盡無動上時鑾輿已四出供費浩繁而將作費已鉅萬九卿皆有憂色各具疏請上獨斷上乃召

村居

輔臣時行等入見於感恩殿東室命降植等三級植等前以論籍江陵升太僕光祿尚寶各少卿至是復授員外郎主事而壽宮之議息矣始余被命閱視第以首臣在行原未習形家之說而閣臣職業從未有以相地為輕重者諸臣別有推戴欲擊去余與新安等而上英斷終不為所熒惑也

粳稻千畦熟蒹葭一水長結茆臨淺渚支木度橫塘蓴鱸調

羹美松醪潑麴香莫嫌城市遠樂事在滄浪

歸田後初過洽平寺

上方煙雨石湖秋三十年來續舊遊僧寺依然開白社宦情

早已付滄州祠邊碧草繁書帶橋畔青莎隱釣舟文穆風流

安可仰江亭猶自榜盟鷗

宋范文穆公鈞處有盟鷗亭

過徐少參園池

千疊峰巒一鑑收，別從人境寫瀛洲。浮觴絕似蘭亭會，噴壑
眞看瀑布流。坐愛桃源時進艇，望窮蘿壁更登樓。不因解組
攜同調，那得名園逐勝遊。

卽事 三首

玉策金符出尙方，海東萬里拜夷王。三韓幸不侵甌脫，九譯
何妨貢越裳。持節子侯眞孟浪，徵兵都護亦倉皇。聖朝遠馭
如天覆，築室甯須問道傍。

臺省聯翩放逐新，扣閭眞覺諫書頻。由來立馬難鳴仗，誰道
探龍有逆鱗。瑣闥至今虛補闕，都亭何處問埋輪。賜環計日
頒優詔，聖主能容鷲直臣。

漢宮宵炬却灰沈，矯首雲霄思不禁。未論經營須物力，還因
謹告識天心。微材已罄南山梓，助耐誰輸少府金。見說詔書
稱罪已，老癯扶杖已謳吟。

菊圃留客小飲漫興

菊圃茆齋次第成，客來終日歛柴荆。溜匙好共青精飯，下豉
仍調錦帶羹。有酒且須澆磊塊，不冠時或廢逢迎。百年世事
那堪問，浮拍何當了一生。

余有丁 一首

有丁字丙仲，鄞人嘉靖壬戌第三人。及第除編修，歷
司業、洗馬、右諭德、左庶子，出爲南國子祭酒，召拜少
詹事，兼侍讀學士，進太常卿、擢禮部侍郎，改吏部，進
禮部尙書，入直文淵閣，改戶部，兼武英殿大學士，加

少傅兼太子太傅進建極殿大學士贈太保諡文敏
有文敏集十五卷

贈山人遊澤潞

相見未云久相違無那輕尊前湖海色天外薜蘿盟春與故人
人去愁隨新柳生平生雙淚眼為爾獨沾纓

郭諫臣八首

諫臣字子忠長洲人嘉靖壬戌進士除袁州推官徵

授吏部主事歷員外郎中出為江西參政罷歸起鄖

陽巡撫未上卒有鯤溟集四卷

四庫總目諫臣為袁州推官時憤嚴嵩父子亂政乃密籍嚴世蕃姦逆不道事因御史林潤上之世蕃遂伏法及遷吏部員外論列時事語多切直遂與張居正忤其生平伉直不恤其名與字而其詩乃婉約閒雅

有范成大陸游之遺雖十首以外不免語意略同如高仲武之論劉長卿者然當太倉歷下主持壇坫之時能毅然自為不隨風氣亦足見其孤介矣
舟州山人續稿鯤溟詩調暢清麗句穩而字妥近體尤風灑可詠
田按鯤溟五絕特有韻致

秋日都門送別有感

為送南歸客翻憐北駐人白雲凝望遠華髮共愁新落日湖
南橘秋風江上萼何時返初服吾亦任吾真

山房晚坐

山中初病起三宿遠公房避俗尋蓮社全生禮藥王泉流穿
澗冷花落染塵香對此逍遙坐將迎意盡忘

暮秋與徐兵憲郭參戎同登望江樓

層樓高聳大江濱與客銜杯醉夕曛地控荆甌山四繞臺臨

章貢水中分旌旗霞映紅成綺金鼓風飄響入雲回首更憐
秋色晚滿城黃菊送清芬

晚登南安公館後樓

夕陽煙郭萬山圍暮倚危欄抱翠微嶺海天高人北望江湖
秋老雁南歸疏簾風入還吹帽虛檻雲生欲上衣興比庾樓
真不淺坐看明月漸輝輝

春城送張幼予遊錢塘兼寄張水部德夫

胥江春水漫城陰詞客乘春去武林三月風光湖上好六橋
草色雨中深年來夙有青山約別後應多白雪吟花下若逢
張水部爲言予已二毛侵

夏日書齋

香消日正長蟬鳴夢初醒睡起立空階梧桐落清影

山窗獨坐

日永篆煙銷風寒襟袂薄閒窗無客來坐久庭花落

秋晚南園

幽棲謝俗緣僻性耽清賞醉後步蒼苔東林月初上

穆文熙十一首

文熙字敬甫東明人嘉靖壬戌進士除行人進司副
遷工部員外歷尙寶司丞改吏部員外出爲廣東副
使有逍遙園集十卷

弇州山人續稿考功詩律雄渾奇崛所當無前惟小
洗俗氣足使唐人退舍
靜志居詩話敬甫論詩沾沾自喜亦強作解事爾集
爲劉子威石拱辰所定又安得佳

田按敬甫與王元美通聲氣元美謂諸賢操觚而與
余交在四十人之列者也逍遙館集七律習氣太甚
惟七絕一體清婉動人有往復不盡之致

送人

濁酒清燈黯不禁
雲山千里別同心
明朝二月東城外
黃鳥關關自故林

憶省中故人

解組歸來鬢欲華
從今萬事付煙霞
故人不用憐生計
已種東門五色瓜

寄京中友人

往事回看盡可哀
黃金駿馬等塵埃
定知此日東風裏
春草淒迷樂毅臺

登樓送蜀客

何事相將盡酒觴
天涯會晤杳難量
陽關只在清尊外
不聽猿聲亦斷腸

上高相公

解印歸來歲幾經
角巾常傍少微星
山中宰相無塵事
鳳沼年年草自青

送王子還越

王子南歸清興饒
湖邊歌舞駐蘭橈
不知彩筆題詩處
更向蘇公第幾橋

懷潭翁呂夫子

同向明時解綬歸
十年漳水各漁磯
春來何限相思苦
暮雨

蕭蕭自掩扉

贈別王山人

草廛時來不厭頻十年聚首見真情於今歸去蘭溪里未必
鄉關是故人

得助甫晉陽書

一別雲山阻唱酬帛書兩度下并州高情不是張平子何得
懷人賦四愁

題西湖景

越王城下有西湖千載繁華寄畫圖我欲南遊看放鶴天風
先與報林逋

仰遠遊蘇門山回詩以嘲之

秋山迤邐錦林凋獨把瑤琴何處調流水調高人寡和蘇門
風雨自瀟瀟

山家

迤邐荆扉鎮暮霞潺湲澗溜遶籬斜山翁不解春來去獨立
夕陽數落花

李學道

六首

學道字汝致東陽人嘉靖壬戌進士除丹陽知縣徵
授御史以事出爲廬州司理擢南兵部主事歷郎中
出爲順德知府未上以憂歸起青州知府有青霞館

詩稿

田按汝致爲御史巡中城頗有風力許義拔刃嚇財
執而吾之羣喘毆汝致於午門外都御史王廷以身

翼之乃免時華亭當國戊首惡三人杖九人調汝致
於外以兩解汝致詩清裁幽思如野籬疏花別有風
趣以視當時叫囂者曠且塵上矣

發舟

扁舟下蘭江江水何泚泚余家澗溪濱溪流亦經此已別故
鄉人重逢故鄉水搖搖彩鷁飛東風疾於駛轉盼芙蓉峰渺
在層雲裏東山况復東迢迢三百里縱使無纖雲極目那能
指薄暮且停橈言採江岸芷探芷欲何爲寄與江中鯉

遊卧佛寺

綠陰迷野徑寂靜得禪關佛卧何時起吾分半榻閒枕邊虛
白石簷外自青山蚤破浮生夢居然出世間

秋思

半窗疏雨碧梧涼無那清秋客思狂淮水正連鷗鷺白鍾山
如笑鬢毛蒼美人相隔幾千里新雁乍來三兩行欲向西風
問消息重雲漠漠暗江鄉

首夏湖隄

郭外薰風散旅愁湖光山色共悠悠層荷出水綠於染老檜
蔭隄青欲流孤興不妨隨匹馬野情眞可侶羣鷗雙眸不著
風塵色閒看江雲度石頭

過雲陽舊治

重過雲陽泊旅舟炊煙飛散雨痕收黎元自合歌新政故老
猶能話舊遊一笑春風花滿縣十年塵夢雪盈頭相逢意氣
無今昔坐對清樽盡日留

杜華南使君邀飲甘露寺

北固重登今十載巖花含笑似相親空林倚杖無塵事斜日
開樽有主人漠漠水雲雙寺渺霏霏煙柳一江春鍾山只在
凭闌外嵐氣成霞入望頻

王叔杲

四首

叔杲字陽德永嘉人嘉靖壬戌進士除清江知縣改
常熟徵授兵部主事歷員外郎中出為大名知府歷
湖廣副使進參政以事罷歸起福建參政不赴有玉

介園稿二十卷

田按陽德關園於湖側名陽湖別墅又名玉介焦弱
侯有玉介園記茅鹿門有陽湖別墅記王弇州有陽
湖別墅前後記黃彪有陽湖別墅圖別墅有景二十
陽德皆有詩咏之朝攬南岫雲夕弄南湖月則咏清

暉堂也嘯傲據東窗天際孤亭小則咏紆青閣也儵
魚弄波光初日盪微暄則咏知樂軒也豈曰惜芳菲
聊以閱年華則咏聚秀園也逶迤遵回蹊殘英落春
澗則咏紅雨蹊也綠雲晝不開曲澗春流漫則咏連
漪亭也達人葆其光游心於立默則咏潛光室也翠
蓋瀉驪珠新妝嬌解語則咏嶺也白雲曳斜陽翠壁光
明月散清影則咏金粟嶺也咏暑香亭也鮮颺激幽香
射則咏穿雲峽也獨坐松下石時眺湖中山則咏超
賢亭也翠落寒池明冷浸瀟湘雪則咏筠阿館也萬
木青山劫干林翠欲滴則咏綠沈劫也方沼登寒玉
瀾瀾分雲根則咏玉沼也御鷗薄暮歸一棹川光
暝則咏虹澗也暗香動流雲疏影時明滅則咏香
雪鷗也檀欒影離湖風吹許許則咏清涼界也濯
錦波鄰瀟瀟洞不及駛則咏浪堤也鐘聲雨外遲
梵語林中靜則咏寶界菴也晏坐湖上雲周覽莽無
極則咏浮碧臺也陽德不以詩名擷其雋語可以屏
浮囂之氣

清靜軒為九嶽王丈賦

幽居抱冲素境寂煩累絕閒披老氏書悟想自怡悅白雲散

前楹長松挂新月

徐氏西園

側徑重重轉危橋曲曲通樹交當夏密花發借春紅別院聞
嬌鳥閒庭繫玉驄坐深微雨過檐際落煙虹

後湖

六朝臺榭蔓荆榛湖上重來倍愴神最是多情隄畔柳翠眉
猶作舊宮顰

送項華林北上

翩翩征旆拂春風驛路山花照馬紅年少攜家休悵別津亭
柳色似河東

蘇民懷

三首

民懷字子仁南海人嘉靖甲子舉人除趙州學官入

爲國子監丞遷刑部主事改戶部歷郎中出爲朗甯

知府有吹池稿

田按子仁詩頗英俊

書北齊馮淑妃傳後

鷹犬儀同各階級琵琶當殿黃門立齊兵已破平陽城妖星
馬上催粧急蒼黃介冑暗塵飛猶自嫣然著錦衣不聞汾水
方酣戰尙憶天池更打圍金雞曉上白楊樹不見鄴宮行樂
處無愁曲奈有愁何粉鏡敲殘紅淚多

俠客行

殺氣臨沙積黃塵白晝飛請君雙羽箭破虜百重圍轉戰隨

騾騎捐生事武威從來遊俠骨不是顧輕肥

野老

草閣臨江東荆扉向水開花深曉鳥坐風細晚潮來綠竹籠
沙岸丹楓點石臺滄浪有漁父煙艇日徘徊

胡衡

一首

衡字平甫會川衛人嘉靖甲子舉人有鳴岳集

訪人不遇

一徑入山路南中隱士家山苗栽半夏石火煮新茶白鶴窺
書幕元猿護鼎砂訪君君不見鎮日望煙霞

明詩紀事

貴陽陳 田輯

王錫爵

一首

錫爵字元馭太倉州人嘉靖壬戌第二人及第授編
修累遷祭酒進詹事拜禮部侍郎進本部尚書兼文
淵閣大學士參機務累加太子太保改吏部尚書進
建極殿大學士賜歸加少保贈太保謚文肅有集五

十二卷

靜志居詩話元美標榜詩人於五子四十子之外以
其弟敬美及文肅稱二友焉

茉莉羣芳

瑤臺嘉樹散清香名品相傳出越鄉
姿孕仙漿塵不染影籠華月玉為粧
非關嶺表根苗異自是天邊雨露長
聞說堯階生屈軼願言移植伴羣芳

蹇達一首

達字子脩重慶人嘉靖壬戌進士累官兵部尚書有

鳳山草堂集

贈濮陽李符卿

懷璧甯堪罪無端乃陸沈豈緣明主棄
轉覺謗書深郡僻容高卧官閒足苦吟
逐臣心未折秋氣任蕭森

林煙一首

煙字貞耀閩人尚書庭機子嘉靖壬戌進士授戶部

主事歷廣西副使遷太僕少卿終南工部尚書有覆

瓿集六卷

東南嶠外詩話林貞耀登攝山絕頂句云雲霞縹緲諸天近草樹迷茫萬壑低王氣長浮鍾阜北江流斜抱石城西非親涉其境者不知此語之工也

渡湘潭

瀟湘日夜向東流萬里西行獨未休
擬弔汨羅何處是江蘼極目不勝愁

戚元佐四首

元佐字希仲秀水人嘉靖壬戌進士除禮部主事歷

員外郎中遷尚寶少卿有青藜閣集

靜志居詩話吾鄉彭子殷論詩即尚七子然其詩不類也至戚希仲則全以七子為圭臬矣州列四十四子

不及希仲何與
橋李詩繫希仲善楷法與文徵仲頡頏畫祖巨然筆
力蒼勁詩極秀穎

京師上元詞二首

月滿天街香霧飄燈樓歌吹咽春宵自來都下傳遺俗一片
新粧出走橋
火樹光搖照九衢粧成百寶錯流蘇春官自有文皇典每至
元宵請大醮

春日

綺閣香籠繞碧紗夢回亭午試新茶湘簾半捲微風起花汗
屏前玉辟邪

春日同戴將軍送柴子開

立馬章臺酒數巡柳條空自裊殘春花前獨有羌童侍學得
吳歌送越人

項思教一首

思教字立菴臨海人嘉靖壬戌進士授刑部主事歷
員外郎中出爲漢中知府歷湖廣參政遷廣西按察
使

將之楚會縣尹陳君崑潘君霖於真武洞

一曲清江萬疊山筍輿晴日度仙關陰陰石洞爐煙細寂寂
松扉鶴夢閒清磬遠從天外落黃冠已向日邊還於今悟得
長生訣說與諸君一破顏

蔡可賢一首

可賢字子齊成安人嘉靖壬戌進士累官副使
有西征鼓吹

平甯夏二首

五月王師大合圍石如雨下矢如飛健兒不識書生面夜半
挑燈認繡衣
力盡謀窮內變生無須血刃下堅城等閒一曲黃河水誰信
強於十萬兵

列朝詩話甯夏之役梅衡湘監軍單騎免胄出諭諸酋皆羅拜決黃河水灌城乃成功二詩皆實錄也

沈玄華一首

玄華字選伯嘉興人嘉靖壬戌進士除禮部主事歷
官南太常卿遷大理卿有竹葉軒藁

敬禮南都奉先殿紀事

高皇肇太廟松桷連穹竈尊祖有孝孫典禮遙升躋一從遷
都後遺制終未睽有司列俎豆上公視瓊圭豈意歲甲午烈
火墮榱題譖譖出出音其兆先端倪盈庭議移祀中廢成町
畦猶餘奉先殿薦新及殖鬱微臣承祀事入廟歌鳧鷖高后
配在天御幄神所棲眾妃位東序一妃獨在西成祖重所生
嬪德莫敢齊一見異下聞實錄安可稽作詩述典故不以後
人迷

靜志居詩話明南都太廟嘉靖中為雷火所焚尚書
湛若水請重建而夏言阿世宗意請罷有旨并奉
先殿按長陵每自稱曰朕高后第四子也然奉先廟
廟制高后南向諸妃東列西序惟嬪妃一人具載南
京太常寺志蓋高后從未懷妊豈惟長陵即懿文太
子亦非后生也世疑此事不實誦沈大理詩斯明徵

矣

王乾章 一首

乾章字順卿東陽人嘉靖壬戌進士除中書舍人進
御史出為四川僉事改河南歷江西參議廣東副使
以事罷歸起福建僉事進雲南參議有浪遊集

舟行

風生桂楫輕顧盼不知處一帶水痕香蓮舟從此去

明詩紀事

貴陽陳 田輯

己籤

許國 一首

國字維楨歛人嘉靖乙丑進士改庶吉士除檢討歷
編修贊善洗馬遷南國子祭酒召拜太常卿領祭酒
事擢詹事兼侍讀學士遷禮部侍郎進尚書兼東閣
大學士入贊機務加太子太保文淵閣大學士進少
保武英殿大學士加少傅兼太子太傅改吏部尚書
進建極殿大學士贈太保謚文穆有集六卷

王家屏文端集少傅許文穆公未遇時讀書宛陵山
寺有兩青鳥飛鳴其前移時乃去僧言此碧雞也相

傳唐李翰林自蜀中攜來惟舒梓溪狀元一見因出
所藏圖繪示公公爲賦碧雞篇意頗自負

送江近山南還

昔年與君何處遊曲陽春花小閣幽今年與君何處別旅舍
秋風吹落葉人生聚散那可期葉自飄零花自飛一回相見
一回老百年能得幾時好管鮑交情世有無全交要在心相
孚心疑頓起一方怨山海千重隔座隅君不見道傍伏謁車
中嗔布衣往往能驕人三千門下爭彈鋏食客誰言薛邑貧
請君棄置勿復道有酒與君且傾倒薊門秋迴雁南翔朔漠
風塵異故鄉君隨南雁且歸去遲我黃山丹竈傍

陳經邦

二首

經邦字公望莆田人嘉靖乙丑進士選庶吉士授編

修歷諭德侍讀學士進禮部侍郎兼太子賓客詹事
府詹事擢本部尙書贈太子少保有羣玉山房詩稿

秋風吟

蓐收總新轡四序已半過仰視河漢流皎皎生涼波常恐荃
蕙晚離思當奈何徘徊不能寐慷慨還自歌

乞休

宦情元偃蹇世路况艱虞短策惟三徑扁舟自五湖詞應裁
棄婦論可著潛夫聞道東園竹依然覆酒罍

歸有光

五首

有光字熙甫崑山人嘉靖乙丑進士除長興知縣遷
順德通判擢南太僕寺丞有震川先生集三十卷別

集十卷

列朝詩集熙甫為文原本六經而好太史公書能得其風神脈理其於六大家自謂可肩隨歐曾臨川則不難抗行其於詩似無意求工滔滔自運要非流俗可及也當是時王弼州踵二李之後主盟文壇聲華烜赫奔走四海無不稱其老舉子獨抱遺經於荒江虛市之間樹牙頰相樁柱不少下嘗為人文序詆排俗學以為苟得一二妄庸人為之巨子弼州聞之曰妄誠有之庸則未敢聞命熙甫曰唯妄故庸未有妄而不庸者也弼州晚歲贊熙甫畫像曰千載有公繼韓歐陽余豈異趨久而自傷識者謂先生之文至是始論定而弼州之遲暮自悔為不可及也汪琬堯峰文鈔先生詩往往有出入孫恂廣韻及吳才老韻補者最為古雅田按照甫五古得古人遺韻據事數辭皆有關係王阮亭笑汪純翁注熙甫詩人之嗜好實有不可解者猶不免詞人之見

沛縣

泗水抱城煙東去日潏潏豐沛至今存漢事已千春嗟我亦

何為獨歎往來頻封侯不可期白日坐沈淪每見沛父老旅行泗水濱雞犬如昨日此亦非昔民空傳泗水亭井邑疑未真城外綠楊柳高帘懸風塵猶有賣酒家王媪幾世親高廟神靈在英雄卻笑人

隆慶己巳赴京寓城西報國寺贈字上人

慈宮崇象教推此絕華炫深巖闔香火危峻瞰郊甸鬱鬱虬松枝低壓遠廣殿當年帝舅親削髮住茲院說經老龍聽出手五獅現曾聞長老言天雨曼陀遍吾識字上人頭陀今突弁修容冥法相妙悟在論讚導我畫廊行指示西方變晨起供清茗時共禪悅飯我老欲歸去世事今已倦當結塵外緣山中儻相見

題周冕贈任別駕卷二一首

江南列郡盡乘城藏穴何人肯出兵惟有使君躬擐甲劉家
港口看潮生

東倉白晝靜城闐煙火連天豺虎隕忽駕迴潮趨海道傳呼
盡避瘦官人

田按此紀蘇州同知任環破倭事也史稱倭患起長
吏不爛兵革環性慷慨獨以身任之即第一詩惟有
使君躬擐甲劉家港口看潮生也朱竹垞云任公軀
瘦瘠倭人目曰瘦官人望而避之即第二詩忽駕迴
潮趨海道傳呼盡避瘦官人也熙甫又有海上紀事
詩云任公血戰一生餘蓮碧花嬌村塢虛義士劉平
能代死吳門今不數專諸史稱倭犯太倉環馳赴之
短兵接身被三創幾殆宰夫捍環出死之即義士劉
平代死事也熙甫又有頌任公詩云輕裝白紵日提
兵萬死甯能顧一生童子皆知任別駕歸然海上作
金城任公以禦倭擢按察僉事進山東參政當時皆
以為賞薄不足酬勞厥後給事中徐師曾頌其功詔

贈光祿卿復加贈巡撫建祠蘇州春秋致祭史不言
贈巡撫事疑遺漏也

陳吾德一首

吾德字懋修新會人嘉靖乙丑進士授行人遷工科
給事中以論事斥為民起原官改兵科出為饒州知
府謫馬邑典史起思州推官寶慶同知皆不就復起
紹興同知遷湖廣僉事有謝山存稿十卷

贈別劉近之

尊酒平生意與子別河梁顧瞻夏傳侶道路阻且長越鳥依
南棲寒鴻向北翔羽翼各有適胡能不參商義馭無還軌荏
苒悲流光勉矣即前路引領遲成章

邱齊雲一首

齊雲字謙之麻城人嘉靖乙丑進士除戶部主事歷
郎中出爲保甯知府改潮州有吾兼亭集

田按謙之一徑一花色無時無鳥聲西山道中句也
盛有時名

王伯固邀遊赤壁

移尊尋勝迹鼓棹破江煙感此浮雲事焉知赤壁年
渚風吹水立山月入窗懸一片淒涼色無人不可憐

王弘誨一首

弘誨字忠銘一字紹傳定安人嘉靖乙丑進士授庶

吉士累官南禮部尚書有天池草二十六卷

四庫總目弘誨初釋褐時值海瑞廷杖下詔獄力調護
之張居正當國又作火樹篇春雪歌以諷爲居正所
銜蓋公特之士也

秋夜獨坐簡故鄉知己

涼風肅秋宇明月照庭帷攬衣起中夜四顧何躊躇伊昔來
京國青楊拂地垂冉冉歲已周嚴霜履淒其思親歲云暮遊
子別經時南國無來鴻消息安可知以茲結中情彷徨無所
之更念同心友參辰久乖離望遠不得至悠悠勞我思願言
宗令德皓首慰相期

袁尊尼五首

尊尼字魯望長洲人僉事袁子嘉靖乙丑進士除南
禮部主事改吏部歷員外郎中出爲山東副使有魯

望集十二卷

弇州山人稿魯望詩貴錢劉而不欲捨吾吳弘正之
步

田按魯望詩才華不及乃翁出語雅令不落叫囂之習

山中寄別張大伯起

子有漸鴻志予爲采芝客以予山中雲送子風外翼舒卷亦何意升沈各有適託以常相附永爲心所惻

寄鹿泉丈人

林屋疑無地金庭別有天山從堂下出湖向樹中懸雲覆仙壇草花迷古渡煙何時揚子宅還泊戴家船

七月八日長兄席上戲成

清風樓上皆沈醉惟有騷人解獨醒玉樹後庭知幾曲銀河昨夕翻雙星酒徒空惱劉公幹詩句偏驕杜德靈最是枕屏涼思好晨鐘隱隱不堪聽

冬夜宿治平寺

禪房深處但聞香茗椀詩箋覺晝長坐聽雨聲湖上起一帆歸去暝煙蒼

贈鄭緝桃

瑤芳湖上鬥鮮穠一朵爲緝壓綺叢殢殺路傍金勒馬沿遊回首悵東風

方九功一首

九功字允治南陽人嘉靖乙丑進士除江都知縣徵授吏部主事歷員外郎中太常少卿累遷南工部侍郎有白下稿息機堂稿

望旋臺

旋臺香閣倚雲松遙望層巒知幾重虹飲澗流沈夕照雨來
山谷變秋容投棲近寺寒生榻習靜中峯夜聽鐘更擬明朝
凌絕頂無生妙旨叩禪宗

胡濤一首

濤字原荆無錫人嘉靖乙丑進士除永豐知縣改安

福徵授廣西道御史以建言落職為民有采真堂集

田按原荆擢御史時神宗即位六日命馮保掌司禮
監疏請嚴馭近習毋惑詔諛損聖德冬妖星見慈
慶宮後火災又疏請徧察掖廷有蒙先朝寵幸者體
恤優遇其餘無論老少一概放遣疏中有唐高則天
語幾麗大辟輔臣宛轉解救乃削籍罷為民詩好作
奇語似其為人

寒日山中

寒近不可禦擎雲雲滿身撐腸貯冰雪叉手看松筠骨立青

山在顏衰白首貧誰家向高塚落日卧麒麟

王圻一首

圻字元翰上海人嘉慶乙丑進士除清江知縣改萬

安徵授雲南道御史出為福建僉事謫邛州判官遷

進賢知縣改曹縣擢開州知州歷青州同知擢湖廣

僉事陝西參議有洪洲類稿十六卷朔農稿四卷

田按元翰究心著述有續文獻通考二百八十九卷
諡法通考十卷稗史彙編二百二十卷兩浙鹽志二
十四卷海防志八卷水利考十六卷吳淞江議一卷
青浦志八卷詩非所長

江南初夏

旅窗蕭瑟芭袍涼別院清和午漏長細雨欲催梅子熟薰風
初送棟花香不妨綠樹迷江路自有清陰占野塘欹枕偶回

鄉國夢吾廬新竹已成行

陳文燭 二首

文燭字玉叔沔陽州人副使柏子嘉靖乙丑進士除

大理評事歷寺副寺正出為淮安知府遷四川副使

歷漕儲參政福建按察使進布政使改江西遷應天

府尹進南大理卿有二西園詩集十二卷文集十四

卷續集十三卷

詩數陳京兆玉叔溫良樂易海內稱其長者尤喜汲引後學即閭巷岩穴有片善必孜孜稱述不容口所至戶履恒滿詩文清婉典飭居然名家

送費參軍之留都

雙旌南下日搖落正新秋羽檄還多事參軍好借籌六朝黃

葉寺一水白鷗洲庾信江關賦能無寄舊遊

寄懷家叔時官黎平

音書南望暮雲低官舍蕭蕭對五溪衡雁北來飛又盡不知

曾過夜郎西

沈淵 二首

淵字子靜濟南新城人嘉靖乙丑進士改庶吉士授

檢討遷司業有沈太史詩

穀城山房集司業詩體骨道婉結社長安有人豪之稱

送范伯禎之留都少司成

楊柳忽愁思春風奈別何攀條從此去倚棹共誰歌雲盡三

山出天空一雁過鴈枝元侍從鰲禁遲鳴珂

寄贈四明李山人

結屋雲山深復深幽懷長對薜蘿陰江清石瀨堪垂釣月滿
花溪獨抱琴湖海有情還縱飲乾坤何處不高吟天涯相憶
不相見醉倚春風空此心

題劉漢翁待御二亭


結亭漢江上時飲江亭下山翁醉不眠落日還騎馬


管大勳一首

大勳字世臣鄞人嘉靖乙丑進士選庶吉士改給事
中出爲臨江知府遷四川副使左遷延平知府進湖
廣副使擢福建布政使加光祿卿致仕有休休齋集

渡沙溪

碧水自南來恰與西溪會陵谷無古今川流自襟帶山形盤
地維灘聲響天籟前村好風日裴回發清嘅





明詩紀事

貴陽陳 田書

已錄

宋登春 九首

登春字應元新河人自號海翁又號鵝池生有宋布

衣集三卷

四庫總目登春文章簡質可匹盧柑蟻螻集而奇古之

趣勝之五言詩頗淡遠可誦

徐學謨海隅集鵝池生始慕俠能挽強馳騎聞出其

餘智為小詩又稍通繪事師江夏吳偉之京師日

跨一蹇驢行長安道中往來覓詩方是時臨淄布衣

謝榛以詩遊公卿間聲藉甚生間得其詩唾之日作

詩何為者而令七尺軀津諛貴人可活耶居京師

亡所過去之渤海入兗州登嶧山觀秦皇帝遺碑還

居長白山一蕭寺出囊中故所貯漢魏盛唐名家詩

閉關揣摩如是者三年頗窺作者之戶遂大放厥詞

已錄卷十六

一

而於五言尤工眼駸駸白亡今人矣生嘗至江陵故
遼王奇其詩召謁便殿語不合一夕遁去數年復
來是時吳人徐某為荆州守聞生高自往物色之明
日生戴紫籜冠衣皂緜衫報謁守上座守為生授
室城中後數年守坐廢歸江陵蘭步數千里
來海上從遊居三月別歸江陵王所絕不與
矣後二年遼王果坐吏議廢生久在遼王所絕不與
用事者比不及於難生五言詩有類孟襄陽者清婉
悲激非近歲布衣詩可儷也詩畫嘗著僧帽食犬肉
李先芳東岱山房集詩宗少陵亦燕趙之佳人也
讀楞伽經玩世悲惋豪逸嘗賦俠客云賭博賽劉琨
筆精鵝池生詩悲惋豪逸嘗賦俠客云賭博賽劉琨
家奴過孟賁千金不肯顧一劍為酬恩趙瑟停凰柱
燕姬促象尊平生欵段馬羞入孟嘗門又抱玉幾年
終獻楚懷書垂老莫干秦又酒腸方大黃金盡世事
才知白髮多皆自寫其胸臆者也
列朝詩集盧德水曰海翁傲睨一世每慨今人無詩
有難之者謂翁但工五言寂寥短章如才力易詘何
翁曰吾幸以才力詘故得沈思苦吟審於性情之
正以所歸於温厚和平彼才力橫揮霍於性情之
傷於所恃能無窮大而失居乎著詩禪瑣評一卷其
言曰文中子謂北山黃公善醫先寢膳而後鍼藥汾

陰侯生善筮先人事而後卦說余未善詩先性情而
後文辭寢膳人事性情也鍼藥卦說文辭也丙戌歲
余寓杜亭浹旬與德水談詩甚快德水曰公之論詩
謂當解駁形相披露性情何其言之似海翁也
靜志居詩話王喬之玉棺桓司馬之石椁可以諡曰
至愚然而楊玉孫之僕葬劉伯倫之荷鍤便埋亦矯
枉之過也鵝池生語邢子愿云君視宋登春豈山栢
四周中人將浮錢塘脫履江干乘潮解去既而果躍
入江魚腹之葬果勝於一棺之土乎君子譏其誕矣
生詩平淡寡深思不失為賈浪仙李才江一流
田按海翁五律矜鍊局於邊幅七言律絕揮霍自賞
有唐賢遺韻

江村寒食

白鳥忘機久青山吾道存興來從杖屐老去愛雞豚楊柳橋

邊市桃花江上村兒童沽酒至風雨閉柴門

秋日登吟覽樓

遠客不宜秋况登江上樓心隨胡雁滅身為楚雲留漢廣饒

菰米湘清聚白鷗寒砧何處發落日動鄉愁

江陵草堂漫賦因憶楊少通

疏濶平生事支離遲暮年鄉關朔雁外客舍楚江邊酒伴曾
誰訪詩狂還自憐經過楊執戟許寄買山錢

南遊留別劉元和

東風習習芳草柔欲去不去情悠悠贈劍何年刻玉字對君
一笑說滄洲肯教白髮悲春晚午可黃金買笑愁此日離別
那可道相思長遠晉山頭

送句吳豪士遊大梁

汴水東流接大河曾經帝里問銅駝春風二月旗亭酒落日
裏門一放歌

沙塵風起晝冥冥二月黃河尙帶冰桑柘夕陽村店路同誰
走馬弔韓陵

擬宮中行樂詞

碧殿春深瑤草肥美人對月舞羅衣夜來不作青鸞夢化作
彩雲何處飛

玉輦春遊夜未央紫衣侍史謾焚香黃金瑣合鴛鴦殿無限
春風到海棠

踏青楊柳洲

驂鸞蹀躞上芳洲楊柳青青楚水流日暮東風搖百草不知
何處是耶邱

王穉登

二十一首

穉登字百穀武進人廣長菴主生曠志云曾舉武進諸生移居吳門有

晉陵金昌燕市雨航青雀客越竹箭梅花明月采真

清茗越吟荆溪延令苦茗等集

弇州山人稿百穀詩取獨詣婉盡人巧隋絕

野獲編近年詞客寥落惟王百穀魏然魯靈光其詩

織秀為人所愛亦間受譏彈周公瑕與百穀俱以善

書冠吳中各不相下王目周書為蠅蚓拖泥周亦日

列朝詩集百穀十歲為詩長而駿發雕香刻翠名滿

吳會間嘉靖甲子北游太學汝南公方執政閣試瓶

中牡丹詩百穀有節相入為記室較書祕閣將令

以布衣領史事不果而罷汝南卒無子百穀渡江往

哭其墓丁卯復游長安華亭當國頗修姚張之怨客

戒百穀母自袁公門人百穀謝曰馮驩任安彼何

人哉刻燕市客越二集備書其事所以志也百穀為

人通明開美妙於書及篆隸好交遊善結綉論媿

媿移日分夜聽者靡靡忘倦吳門自文待詔歿後風

雅之道未有所歸百穀振華啟秀嘔枯吹生擅詞翰

之席者三十餘年

靜志居詩話百穀詩亦華整第嫌肉勝於骨

田按百穀才情妙絕余州四子詩云百穀命世才

興文自綺歲賞歎逾恒願不錄於五子之列殊不可

寄內

柳花化浮萍不能復上枝丈夫殉功名安問還家期去年與

君別庭中辛夷花今年花若何遊子正思家花亦當再開人

亦當遠歸歸不待秋風勿寄秋風衣喜鵲知行人飛上門前

柳試問蘇秦歸還能下車否

出古蕩過西湖經萬松嶺作

理裝辭蘭若遵渚趨川薄迤邐桑下陂齒翠松上閣阡術散

縱橫臺觀俯寥廓澄湖練如洗層巒綺相錯芙蓉被清瀨蟻

姑響幽壑風獵枯林鳴葉翳寒泉涸蘇公蹟已陳白傅名何
邈宋時過獻歛錢祠入盤礴綴嶺寺從梁棲鳥墓爲岳雷焚
浮屠塔水嚙越王郭僧鐘禮青冥鳥道陟殘籜霜條鬱金翠
巖實儼丹堊冉冉雲生杖飄飄雪滿橐迅舸勝遊鱗輕輿宛
飛鶴晨策信已疲午憩差云樂皇皇卽征途棲棲焉所泊

宋少傅綠陰亭申醉歌

長安城東少傅家亭前槐樹似青霞鴛鴦瓦上枝初出翡翠
窗中影半遮聞道先王舊時宅大樹西臨洛陽陌花發垂檐
棨戟香葉齊穿戶衣裳碧自從獻入蓬萊殿秋雨秋風瑣空
院雲裏朱門不再開人間黃髮猶曾見君侯種樹比前人葉
葉枝枝雨露新王家本自多喬木天子由來重世臣風流蘊

藉兼文武卻笑藍田惟射虎功名不獨上麒麟辭賦還能擅
鸚鵡圖書多似蔡中郎金石丹青數十床于闐琅玕裝作軸
蠶叢錦綺翦爲箱虛亭如在深山處黃鶯紫燕俱無語屏間
瀑布夜長鳴壁上寒雲飛不去何人能薦馬相如何處能容
奏子虛惟君題我門前鳳惟君問我釜中魚意氣蕭蕭一儒
者憐才未肯輕山野投壺不讓祭遵多飲酒豈讓羊祜下大
宛名馬桃花毛亭上天寒看寶刀酒醒一枕南柯夢騎出燕
山月正高

卧病聞吳幼元將往金陵走筆問訊

地僻梅花晏天寒藥裹增懷人聽夜雨強病買春燈斷酒愁
難減清齋瘦不勝題書問遊子何日去金陵

龍母廟

松塢石林林秋風萬壑陰泉清塵客耳花照定僧心龍去野
祠破鳥唳山竹深蒼生饑渴甚朝夕望爲霖

垂虹亭對月與管建初

蘭橈繫夕暝月出水紛紛亭子白虹半江光烏鵲分不知何
處笛只隔一重雲今夜嫦娥意清光多爲君

塘栖

水濶雨溟溟飛帆去不停人聲兩崖斷魚市一江腥雲已辭
吳白山初到越青侯生數行淚千里弔玄經

聽吳少君談雁宕山水

十載冥鴻迹飄飄不可羣神僊鬼谷子道士稷邱君瓢貯龍

漱瀑衣浮雁宕雲坐聞巖壑事山氣夕網緝

海夷

錢塘雄盛比姑蘇宋室南遷是帝都處士梅花經戰馬美人
楊柳失栖烏翠華輦路雲俱斷白馬潮聲海半枯惟有將軍
青塚樹枝枝南向野鷹呼

送盧太守罷官歸楚

日南唳鳥半含愁聞說盧敖不再遊剖竹曾行溟萬里迷花
初罷漢諸侯故人開閣誰青眼刺史還家尙黑頭如去習家
池上醉莫教山簡獨風流

錢王祠

玉帶龍衣貌宛然朱門碧殿暮潮邊行人下馬看碑字高柳

藏鴉拂廟端禾黍故都州
四波濤殘岸弩三千傷心一片
匡山地月色潮聲更可憐

光福寺懷碧公

古寺春雲冷不勝竹青梅
白水層層檀那次第有千臘衣鉢
流傳凡幾燈昏代殘碑昏似霧
遠公新影瘦如藤故人獨有
陶元亮行過溪邊淚濕膺

遊崑山故大司空潘公別墅

流鳥飛入未央宮太液池
波照夜紅黃屋正須將作監青山
不起大司空微雲漏日崦嵫
外片水啣城瀉涵中欲上高樓
看震澤欄杆寂寞鎖秋風

至日謝在杭送酒錢

長至勞君送酒錢他鄉風物倍堪憐
烏程三斗難中聖蒼弁
羣峰空刺天佛日漸經香案上
慈雲不散竹房前羅敷豈學
臨邛女閒盡相如綠綺絃

贈剡令施君

而翁昔日守毘陵曾謁龍門御李膺
有子今爲鑑湖長題詩
欲寄若耶僧蘭亭勝事風堪續
剡水扁舟雪可乘五十會稽
官未晚聞君清似玉壺冰

中秋日送錢象先遊豫章

西風征雁不堪聞病裏題詩思送君
月與離樽今夜滿秋將
行色一時分匡廬木落山如黛
彭蠡霜寒水似雲公子西園
賓客盛好陪飛蓋共論文

巳重卷十六
答甯夏黃中丞唯尙

靈武妖氛埽未清十年狐鼠尙縱橫中丞仗鉞新開府驕虜
悲筋莫近城帳下幾人能草檄秋來無處不屯兵君王欲識
邊臣苦一夜清霜繞鬢生

虎邱

空原豐草貞娘墓萬木青青玉骨迷惟有殘鶯學遺曲深秋
還上竹枝嘯

長安春雪曲

一半秦聲半楚聲秦娥調瑟楚娥箏鳳凰城裏家家雪但是
紅樓凍不成

曹娥廟

漠漠秋潮浸古祠蕭條黃絹已無碑祇應秦望寒山色青似
曹江孝女眉

席上贈曹太史家歌姬

東山昔伴謝公遊一曲能傾十二樓今夜佛燈禪榻畔路傍
相逐按梁州

王叔承十一首

叔承初名光胤以字行更字承父晚更名靈岳又字
子幻吳江人有壯游吳越游荔子楚游後吳越游嶽
色編等集

四庫總目叔承早棄舉子業縱游齊魯燕趙又入闕入
楚其在鄴下鄭若庸薦之趙康王叔承以玉無下士
實意賦詩以行有壯心欲別逢知己羞向侯門待晚
餐之句又客大學士李春芳家亦以使酒偃蹇謝去

史稱其與王錫爵為布衣交錫爵再召時有建三王
並封議者叔承遺書數千言謂當引大義以去就爭
不當依違兩端負主恩辜物望蓋其氣節懷抱亦非
當時山人墨客以詩句為市者比最後從顧養謙於
塞上無所成就而歸乃不復出
矣州山人續稟承父於諸體無所不精歌行尤其至
者
列朝詩集承父為詩豪岩莽蒼天才爛發最為王元
美兄弟所推敬美序其詩以為太初讓其精俞謝遜
其兼七言歌行頃刻數百言可喜可愕種種變幻
真能以牛溲馬勃為藥餌嬉笑怒罵為文章然元美
作五子詩不及承父僅居四子之一而已承父序
卓激甫之詩曰承父衰於宋元北地起而復古一
擬之格此其創矣歷一變銀鍊淘洗脫凡腐而尚
精麗然才情聲律未極變化故用豪句構壯字自高
或晦而雜疊復而致厭始多宗之後且避之也矣州
與歷下同名而異用又變而博大僻遠汪洋磅礴無
所不出入安究其底則死骨未寒非之者過於慕之
者矣承父之持論如此何怪乎矣州實應且憎陽浮
慕之而實不與乎
靜志居詩話承父才情奔逸下筆不能自休其論詩
不甚傾心王李大指謂事與景者天地所自有之物

偶遇而收之情與意者吾所本有之物偶觸而發之
彼吾役也吾不彼役也斯言良是惜其所作率率者
十九王元美序之稱其句就而色自傳篇就而用恒
有餘驟讀之恍然若新既諷之而又恍然若故王敬
美序之稱其能以牛溲馬勃為藥餌嬉笑怒罵為文
章蓋皆寓貶於褒之辭而承父自負其才受二美之
寵絡不覺也平情而論承父亦安能敵元美即就宮
詞百首而觀已遠出元美之下特其卷帙繁富不減
矣州詩部爾
田按承父才情在沈嘉則之上矣州為作崑崙山人
傳又為序荔子編序後吳越游編情頗不薄而承父
持論時有異同與謝茂秦不和矣州五子詩均足為
布衣吐氣

自錢塘由富春桐江抵七里灘同范仲昭

鳴榔曉發錢塘江波開綠酒浮春缸江風吹帆三百里青山
片片隨船窗山頭坐天根插水兩岸陰森那可已游郎如坐
綵雲來人家盡住瑤屏裏三江煙樹嗟空闊誰道龍中更奇

絕陡巖嵐翠寒撲肌拂手藤花灑香雪荆扉女兒揚茜裙映
柳窺人半明滅山村酒價不用錢笑滅青粳沽竹葉風波相
遇皆行邁死生肯付乾坤外采芝昨上桐君廬占星又宿巖

陵瀨

東海游仙歌簡王學士元馭王中丞元美

曇陽仙子王家姑幼從節烈參虛無七年服氣絕煙火玉樓
明月寒冰壺精光射天天欲拆列宿羣真自相迫憑虛密諦
五千言語落天香翠綃隔座上非時荔子紅空中當書霓裳
白一朝丹就扶桑曉海東家近蓬萊島左持星劍右揮塵芙
蓉之冠簪七寶靈蛇故繞飛昇臺彷彿茅龍與青鳥歌成混
沌謝蜉蝣吹斷琅玕人世小丹霞一縷通紫京瑤華雙頰桃

花明九月九日金母宴西池使者迎飛瓊手辭萬眾灑然去
青蓮擁蛻秋蟬輕是時余坐蒼龍嶺獨鶴橫空見仙影黃菊
杯搖赤羽幢知是天台籍新選玉堂學士本仙吏怪得金閨
出靈異女且開班玉帝宮眼底英雄齊奪氣仙機縹緲人不
聞秘訣乃授瑯琊君文章信有神仙骨漆園傲吏才如雲許
碯謫地爲酒狂狂余落魄希蒙莊采真方寸成邱壑五嶽眞
形醉裡藏自從子晉緱山後往往仙人喜姓王縹緲仙機何
不有笑倩瑯琊問南斗方平昨得麻姑書五百年來別未久
宅時相見崑崙巔滄海桑田幾重九希夷先生只好睡東方
小兒善盜酒

野獲編王太倉以侍郎忤江陵子告歸其仲女曇陽
子者得道化去一時名士如弇州兄弟沈太史懋學

屠青浦隆馮太史夢楨瞿君汝稷輩無慮數百人皆頂禮稱弟子先已豫示化期至日並集於其亡夫徐氏墓次送者傾東南說者疑其為蛇所祟蓋初遇仙真即有蜿蜒相隨直至遺蜕入龕亦相依同掩則此說亦理所有然和同左教力擯旁門語俱具弁州傳中初非誣飾也事傳南中給事牛為炳者遂贊以獻江陵疏稱太倉以父師女以女師人妖誕不經弁弁州輩皆當置軍典時徐太室學漢為大宗伯太倉同里人也力士毀盧焚骨以絕異端慈聖太后聞之亟呼馮瑄傳論政府江陵驚懼始寢其事

趙州柏林寺觀雙壁畫水歌

王弁州題長句辯畫非吳道子為志解嘲然趙州也

誤定州余歌亦及之解嘲之解嘲矣

嘗觀馬遠十二水江漢汪洋騰片紙此水卻傳吳道子雙壁波濤映空起初疑塑出海眼層竦身拂手纔知平又疑阿耨現法水久視恍覺奔湍鳴畫家神品鬼工入蜃妖龍女輸精

靈起伏萬態布尋丈淋漓水墨青天傾性空真水彌天地趙州老禪或遊戲口吸東流噴壁間千秋不斷滹沱沸楞嚴水觀更奇絕身化秋潭空光澈坐來心與畫相融五內冷然俱水月吾鄉王弁州辨畫非吳生故人忽在畫長句猶縱橫何為趙州寺誤作定州稱眼前名地且自失筆端古蹟何須評君不見趙州談禪渺無際庭前柏子西來意人空畫空水亦空方寸微茫萬里逝半月車馬征塵紅縠紋可有漁舟通笑向畫中攜片水煙帆飛送吳江東

茅平仲顯靈宮小飲

邂逅金焦客京華自出塵飲當仙觀晚來及御園春白首饒花事青山耐酒人鱗鮮櫻子熟夢落大江濱

冰出吳江

臘去三朝雪春來十日冰
權鳴寒玉破舟白浪花疑客夢天
無際人烟樹幾層吳江沙月暝雁影落漁燈

金陵覽古

南北乾坤壯此行西風走馬石頭城
三吳往事秋濤急六代新愁暮雨生
龍虎祇今餘王氣江山千里護神京
請看豐鎬艱難地迴首園陵無限情

遊觀音巖燕子磯因感梁王達摩故事

觀音高閣迴巖屏客酒憑陵燕子磯
山帶石城孤寺立潮平江國亂帆飛
故宮木葉空金盃荒渡蘆花失寶衣
我亦乘風欲西逝少林秋老白雲歸

吳江舟中秋懷

千古殘碑現渚沙闔閭山碧帶枯槎
錦城煙雨迷王國江市笙歌半酒家
墓冷要離甯有劍館空西子尙餘花
壯懷迴首吳歛發胥水天寒散暮鴉

甲午除夕飲薊門菴酒感興

臘盡江村萬里歸客裝猶帶岳雲飛
殘年恰傍疏梅老故侶驚同落葉稀
果弄新孫燈爛漫盃傳名酒雪霏微
五湖元有羣鷗在明發輕刀理釣磯

宮詞

柳外鞦韆拂綺樓舞闌初解翠雲裘
玉鞭夜踏桃花馬萬朵銀燈照打毬

少年行

千金寶劍萬金裝笑擲胡姬綠酒床醉躍紫騮呼俠客東風

吹入鬪雞場

沈明臣 十九首

明臣字嘉則鄞人有豐對樓集四十三卷

四庫總目明臣詩才氣全通得之太易
列朝詩集萬歷間山人布衣豪於詩者吳門王伯穀
松陵王承父及嘉則三人為最王元美繼二李之後
狎主詞盟引同調物異已謝茂秦故社中老宿有違
言於歷下則合從以擴之海內詞人有不入其門牆
不奉其壇墠者其能自立者鮮矣伯穀才名故與烏
衣馬糞相頡頏承父早多貴遊嘉則晚依宗袞三人
者其聲勢皆足以自豪元美與之雅故在異同離合
之間夷三君於四十子而登胡元瑞於末五子雖未
能一切抹殺其用意軒輊猶前志也
靜志居詩話嘉則文長同在胡少保知遇督府周防
嚴密文長恒戴敝烏巾衣白布澣衣非時闖入或出

泥飲夜深猶開戟戶以待嘉則嶽嶽不阿少保遙望
見必起立及少保死請室中嘉則走哭墓下持所為
誅遍為訟冤比於文長懼禍發狂者相越矣嘉隆間
士大夫以篇什相高最繁富者莫若弇州於時吳明
卿之齋甄洞汪伯玉之太函李本甯之大泌山房以
及劉子威馮元成余仲房屠緯真之徒糟邱肉林愈
多愈穢下及布衣若王承父王伯穀輩咸以多相尚
嘉則先後積詩七千餘夫安得精然絜之承父則雖
饒腐菌間有神芝即屬勢芻不無嘉蕙非若諸君之
叢菁荒茅紛然彌望也
田按嘉則渡江見王弇州持所為詩求序曰吾先後
詩為篇者七千而後今僅四百不欲以武夫累玉也可
謂有自知之明厥後陳大科盡刻七千餘首非其意
也嘉則詩五七言近體七絕多有合作古體長篇間
傷麗雜非出之太易之為累乎

遊寶巖寺

山口帶湖澹秋光媚行客高樹半青黃澄潭湛寒碧一徑入
透迤荒林鐘磬僻紀寺屢廢興殘碑在東壁因而蕭夫子乃

是唐代蹟空墳局千年但有荒苔色回首問白雲何時再來得

題畫冊

勝國雲林生曠達天下士筆勢無古人逍遙絕塵滓畧約寫山水老樹空亭子殘山青欲無當從白雲逝

題煙江疊嶂圖爲雲間徐司理用敬

只尺湘江分漢浦春水春山半煙雨晴來白浪卷桃花濕處
薜蘿漲鸚鵡人家遠岸入微茫參差樓閣青霞傍屏風出沒
有無際螺髻隱見芙蓉光風吹白雲斷不斷雲鳥蒼松亂還
亂欲窮遠勢落滄溟孤帆只到青天半卽今畫手吳門多意
匠筆力當如何莫言點綴空草草經營幾向南宮過細觀髣

髣眞誰似疊嶂樓前宛溪裏澄江如練謝玄暉恍惚移來欲
千里雲間司理徐浦城片言往往稱神明庭空吏散白日靜
哦詩看畫冰壺清

靈谷寺

詔開金粟界各問寶公堂古殿秋雲白深松夕照涼馬餘荒
埒草鹿過廢園墻最是鍾山色朝朝在竹房

過淮陰

客問淮陰道人過跨下橋春風吹野樹落日照寒潮楚漢山
河改君臣恩怨銷惟應祠漂母千載奠蘭椒

過樊江

處處足清波樊江一棹過浦帆秋色遠村樹晚煙多水飯資

菱芡山衣雜芰荷度來風裏曲半是榜人歌

老夫

春雨連三月陰雲互九霄此生真鹵莽萬事總蕭條憂國惟黃髮回天賴聖朝老夫貪一壑倘可託漁樵

與孺覺幽尋

邱壑本吾性願於之子同蘋花吹晚白梨葉戰秋紅到枕水聲滑下庭山影空前林足幽事路與白雲通

寄題李之文春水亭

池上青蓮館館前春水亭鷗來不肯去客至但沈冥浩蕩迴天影煙波洗性靈城邊落日下半入海霞青

吳門懷古

廢苑遺宮久寂寥吳王舊恨已全消城臨九陌要離塚水落三江范蠡橋衰草不憐馳道覆野花曾妬館娃嬌未須過客悲搖落卧聽寒塘生暮潮

夢中與諸客賦詩分題得漢武帝

大略雄才廓九州玄菟直接日南陲將軍已斷匈奴臂使者還封博望侯金殿秋分王母席玉樓春御吉光裘不因封禪巡行出築得宣防瓠子不

題李賓父蕭皋別業

林皋自有徵君業古碣何年別姓蕭路入青溪雙女廟天低綠樹鮑郎橋三家鄰舍能供酒十里江田不用潮時世清平吾與汝不妨長此作漁樵

吳門送黎祕書離散解官還嶺外

白首三朝侍從臣投簪歸作嶺南人
五千去路梅花月萬里恩波越水春
別望雁書來瘴海夢思龍劍合延津
羅浮倘向君王乞絕勝吾鄉賀季真

七夕阻風洲浦東長卿明府開之吉士

此夕明河爛不收相逢猶自隔南樓
花邊靈鵲迷橋影水上孤檀磔石尤
微雨凌空仙珮濕纖雲約月鳳簫愁
北門學士誰爲賦千古令人恨未休

四月望後始得朱溪新茗分貽鄭朗系以長律

海國今年氣未融一春多雨病山農
到來新茗時全過分去餘甘手自封
消渴最憐君卧久提攜無奈使難逢
一盃仁許

金莖露好挹天泉對古松

凱歌

銜枚夜度五千兵密領軍符號令明
狹巷短兵相接處殺人如草不聞聲

甬上耆舊集少保胡公宗憲行部七閩燕將士爛柯山上酒酣樂作請嘉則作凱歌十章坐上詩立成驪酒高唱至狹巷短兵相接處殺人如草不聞聲少保起捋其鬚曰何物沈郎雄快乃爾即命刻石山上

蘇州歌

闔閭城外木蘭舟朝泛天池暮虎邱
三萬六千容易過人生只合住蘇州

昭陽郡中送客

天涯秋盡別余歸一片鄉心傍汝飛
醉裡題書醒處讀不知

雙淚落斜暉

廢宅桃花

昔年池館似高唐猶有桃花滿壞牆
夢裡春風渾不覺一枝無語弔殘陽

雙魚卷十六

共

燕陔...
 山...
 醉...
 餘...
 金...
 中...
 田...
 書...
 館...
 藏...

